



Publicaziuns officialas dils 09-10-2009

Damondas da baghegiar

Nr. 87/2009

Datum da publicaziun: 09-10-2009
Patrun: Paul Mathias Cathomas, 9425 Thal
Object: Slargiar e rugalar access tier la tegia da mises sin parcella nr. 4261 Val Sumvitg, Con.

Nr. 88/2009

Datum da publicaziun: 09-10-2009
Patrun: Martin Mathiuet, 7014 Trin
Object: Engrondir plaz da seser, eregier in mir da sustegn sin parcella nr. 4952 Val Sumvitg, Pardatsch.

Nr. 91/2009

Datum da publicaziun: 09-10-2009
Patrun: Gion Mathias Candinas-Schmidt, 7173 Surrein
Object: Slargiar e rugalar access tier la tegia da mises sin parcella nr. 4256 Val Sumvitg, Con.

Nr. 92/2009

Datum da publicaziun: 09-10-2009
Patrun: Gion Mathias Candinas-Schmidt, 7173 Surrein
Representant: Biro d'architectura Aluis Huonder, 7172 Rabius
Object: Niev center da pumicultura sin parcelas nr. 3936 e 1260 Surrein, Plazzas su.

Ils profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun. Eventualas prote-stas encunter sura damondas da baghegiar ein d'inoltrar:

- a) appartenent il dretg privat agl uffeci circuital Cadi, Mustér cun ina copia alla cumissiun da baghegiar
- b) concernent il dretg public alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 09-10-2009

Cumissiun da baghegiar Sumvitg

Curdem da gronda dimensiun

La vischnaunca organischescha ina rimnada da rufid bloccont sco suonda:

Venderdis, ils 23 d'october 2009 dallas 08.00 - 18.00 uras

NIEV vegn rimnau il rufid per l'entira vischnaunca sin la piazza Igniu (sper baghetg stradal)

La rimnada ha liug mintgamai mo 1 di, persuerter inaga dapli per onn!

Aschia sto il rufid buca vegnir tenius si aschi ditg a casa.

Ils curdems ein da deponer els containers ni navettas tschentai sil plaz. Per tener-casa vegn priu encunter **max. 2 m³** rumians. Quantitads pli grondas, per ex. ord rumidas da casas e clavaus ein da transportar directamein e sin cuost dil caschunader ella deponia regionala a Rueun.

Ei vegn acceptau

- maschinas pintgas e mopeds mo cun tratg giu ieli e benzin
- ferramenta electronica e maschinas da lavar
- mobílias ed indrezs da casa
- ulteriurs curdems che vegnan buca rimnai cun ils transports jamnills
- per pneus senza gavegl vegn incassau ina taxa da frs. 5.--, cun gavegl frs. 10.--

Buca acceptau vegnan

- maschinas agricolas
- lenna da brisch
- curdems da baghetg (Bauschutt) e curdems da fatschentas, quels ein da transportar directamein a Rueun
- curdem verd da curtin e caglias, tals curdems san vegnir deponi sil plaz da rimnada ad Igniu
- calziers da skis san vegnir dai giu a sgr. Ernst Orlik a Rabius per frs. 5.--, en favur dalla ARGO Tavau
- cartun e pupi duei vegnir surdau alla rimnada entras la scolas resp. las uniuns
- blachas da ballas da silo (verdas ed alvas)

Nus appelein alla responsablada da vischinas e vischins e supplichein da setener vid quellas ordinaziuns en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismessa da rumians e vegnan annunziadas als organs responsabels.

7175 Sumvitg, 09-10-2009

Departament d'ambient

Preparaziun sin temps d'unviern

Tenor art. 69 dalla lescha da baghegiar ei la vischnaunca autorisada da schar dismetter la neiv dils implonts publics d'avertura sil schischom privat cunfinont cun prender il duiv risguard sin baghetgs, implonts e cultiras. Per liung dallas vias publicas e privatas ein seivs demontablas ni implonts da tal gener d'allontanar. Ultra da quei ston caglias e roma vegnir tagliadas anavos aschia che la rumida da neiv vegn buca impedita.

Quellas lavurs da preparaziun siil temps d'unviern ston vegnir exequidas entochen alla **fin d'october 2009**. En cass d'omissiun refusescha la vischnaunca suenter la sesiun d'unviern scadins donn occuri ord la rumida da neiv.

Sumvitg, 09-10-2009

Departament stradal

Uffeci civil Cadi

Naschientscha

Jacomet Nando Giuli, naschius ils 27-09-2009 a Glion, affon da Erwin ed Andrea Jacomet, sesents a Surrein, Encarden 374.

Sumvitg, 09-10-2009

Controlla da habitonts

Rimnada da pupi

Nus rimnein pupi e cartun, **venderdis ils 6 da november 2009**. La rimnada a Sumvitg, Cumpadials, Surrein e Rabiis (cun uclauns) vegn fatga dallas scolas dalla vischnaunca. La scola da Sumvitg rimna gia il avonmiezdi; Rabiis e Surrein rimnan il suentermiezdi. Ils rimnaders supplicheschan da ligiar il pupi ed il cartun separat e bein. Per Vossas breigias engrazian ils responsabels gia ordavon.

Sumvitg, 09-10-2009

Scolas dalla vischnaunca da Sumvitg

Meisa da miezdi (gentar communabel) dalla Pro Senectute a Surrein

La Pro Senectute Surselva organisescha ensemen cull'ustria «Greina» ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cumminonza ella vischnaunca da Sumvitg e contuorn denter las persunas ella vegliadetgna dalla pensiun. Plinavon dat ei la pussevkladad d'embellir quell'ocasiun cun star suentermiezdi da cumpignia cun dar in scart troccas ni auters giugs.

Liug: Ustria «Greina», 7173 Surrein

Datum: **venderdis, ils 16 d'october allas 12.00**

Prezi: 16.– francs per persuna cumpriu gentar cun desser e caffè

Annunzias: Ein da far entochen gievgia allas 13.00 tier ustria «Greina» a Surrein, tel. 081 943 18 68.

Pro Senectute Surselva

Niev/Neu!

Co retrer bigliets dils automats novs dalla Viafier retica? – Wie bediene ich die neuen Billettautomaten der RhB?

Mira/siehe sut Disentis/Mustér.

Pro Senectute Surselva

Niev! Sault a Sumvitg

Il proxim sault per seniors e senioras ha liug:

Datum: **Venderdis, ils 16 d'october 2009**

Temps: 14.00–18.00 uras

Liug: Ustria dalla staziun a Sumvitg

Musica: Capella La Muota

Sclariment: Ludivina Candinas-Collenberg, 7175 Sumvitg, tel. 081 943 19 22

Pro Senectute Surselva

Neu! Tanzveranstaltung in Sumvitg

Der nächste Tanzanlass für jung gebliebene Senioren und Seniorinnen ist am:

Datum: **Freitag, 16. Oktober 2009**

Zeit: 14.00–18.00 Uhr

Ort: Ustria dalla staziun in Sumvitg (direkt beim Bahnhof)

Tanzmusik: Kapelle La Muota

Auskunft: Ludivina Candinas-Collenberg, 7175 Sumvitg, Tel. 081 943 19 22

Pro Senectute: Gruppa da sault en rudi

Entschatta d'atun

gliendisdis, ils 12 d'october 2009 dallas 14.15–16.15 en l'aula casa da scola Rabius. Nus s'entupein ina ga el meins mintgamai il secund gliendisdis. Beinvegna ein in e scadina che han plascher da musica e saults adattai per star movibels ed allerts en emperneivla cumpignia. Selegrel sin il seveser *la menadra*, *Giuseppa Hosang-Flepp tel. 081 947 58 77*

Controlla gratuita d'apparats d'udida

Mira sut Trun.

Uniun da tratga da biestga Cadi

Exposiziun da genetschas e vaccas a Breil

Mira sut Breil.

Club da ballapei Trun/Rabius

Campiunadi da ballapei

Mira sut Trun.

Biblioteca Trun

Mira Sut Trun

Biblioteca populara, Mustér

Mira sut Disentis/Mustér.